

ROTEIRO ETNOGRÁFICO DOS MUÍÑOS DE ZAMÁNS

No contorno do río Vilaza atópase un valioso legado etnográfico que garda unha estreita relación coa auga: un conxunto de muíños con dúas pontellas e un vello lavadoiro, na actualidade parcialmente mergullado baixo as augas do encoro, desde que se inaugurou a mediados do século pasado.

Despois deste conxunto, o roteiro levarános seguidamente parte do **Camiño Real** -que comunicaba Tui e Vigo, hoxe chamado “**Camiño do Regueiro do Forno**” e case todo baixo as augas- até o encoro de Zamáns, que percorreremos pola súa beira até chegar aos restos medio asolagados do muíño de Viveiro.



VISTA AÉREA DO ENCORO DE ZAMÁNS



MUÍÑO E PONTELLA DO BENTO



MUÍÑO DO VIVEIRO






MAMÓA III DE MONTE DAS PEDREIRAS



CONXUNTO ARQUEOLÓXICO DO CAMPUS UNIVERSITARIO




AS MAMÓAS

A igual que acontece en Candeán, nos planaltos de Zamáns que limitan con Bembrive e o concello de Mos, atopamos diversas necrópoles de época megalítica, como son o caso dos grupos do Alto de San Cosme, Beiras Longas ou a Sobreira.

No contorno do Campus Universitario localízase unha necrópole de Monte das Pedreiras, formada por catro sepulturas, entre as que destaca a Mamo III, con máis de 2,5 m de altura.

Nestas tumbas prehistóricas nunca se realizou unha intervención arqueolóxica que permitise precisar a súa cronoloxía, pero polo grande tamaño da número III podemos pensar que se corresponden cos momentos centrais do Megalitismo, a mediados do IV Milenio a.C.



MONTE DAS CABANAS

Entre a Facultade de Industriais e as de Ciencias atopase o xacemento da Idade do Bronce de "Monte das Cabanas", escavado entre os anos 2001 e 2005 e que podemos situar entre o 1200-1000 anos a.C., nun momento coñecido en arqueoloxía como Bronce Tardío. Nel se atoparon numerosas fosas escavadas no xabre que foron empregadas como silos.



XACEMENTO MONTE DAS CABANAS



VASILLA DE ALMACENAXE DO BRONCE

